

Broj: 04-33-1829/26
Sarajevo, 25.03.2026.godine

ZASTUPNIČKI DOM
PARLAMENTA FEDERACIJE BIH
n/p Tajnika

ZASTUPNIČKI DOM
PARLAMENTA FEDERACIJE BIH
n/p Zastupnika Marka Cvitanovića

VLADA FEDERACIJE BIH
n/p Tajnika

PREDMET: Odgovor na zastupničko pitanje – dostavlja se

Poštovana/i,

Federalno ministarstvo zdravstva zaprimilo je aktom broj: 03-04-155-20/2026 od 19.03.2026. godine od Tajnika Vlade Federacije BiH zastupničko pitanje podneseno od strane Marka Cvitanovića, zastupnika u Zastupničkom domu Parlamenta Federacije BiH, a koje je Vladi Federacije Bosne i Hercegovine dostavljeno aktom tajnika Zastupničkog doma Parlamenta Federacije Bosne i Hercegovine, broj 05/1-02-26/26 od 17.03.2026. godine.

S tim u svezi, u privitku akta za Vladu Federacije BiH dostavljamo prijedlog odgovora.

S poštovanjem,

DOSTAVLJENO:

1. Vlada Federacije BiH
2. Arhivi

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 27-03-2026			
Org. jed.	Broj	Priloga	Vrijednost
05/1	-02-	26	26

MINISTAR

Dr Nediljko Rimac



ODGOVOR
NA ZASTUPNIČKO PITANJE MARKO CVITANOVIĆ
ZASTUPNIKA U ZASTUPNIČKOM DOMU
PARLAMENTA FEDERACIJE BOSNE I HERCEGOVINE

Sarajevo, ožujak 2026. godine

I

Marko Cvitanović, zastupnik u Zastupničkom domu Parlamenta Federacije Bosne i Hercegovine, na 28. sjednici Zastupničkog doma Parlamenta Federacije BiH, održanoj 19.01.2026. godine, postavio je zastupničko pitanje koje se odnosilo na Zakon o hemikalijama i zašto nisu u propisanom roku doneseni podzakonski akti.

II

Na postavljeno zastupničko pitanje Federalno ministarstvo zdravstva daje sljedeći

ODGOVOR

Federalno ministarstvo zdravstva je u izvještajnom periodu (2024. godina) pripremio sedam pravilnika na osnovu Zakona o hemikalijama, od kojih četiri podliježu podliježu obavezi usklađivanja sa propisima EU, i to: Uredba (EZ) 1272/2008; Uredba (EZ) br. 1907/2006, Uredba Komisije (EZ) 2015/830 i Uredba (EZ) br. 648/2004. Izvršeno je djelomično usklađivanje propisa, pribavljeno mišljenje nadležnog Ureda Vlade Federacije BiH za zakonodavstvo i usklađenost sa EU, koji je i ovjerio Izjave o usklađenosti. Pravilnici nisu objavljeni u Službenim novinama Federacije BiH, jer se moraju objaviti kao set propisa, da bi njihova primjena uopće mogla početi. Nakon što se završi Pravilnik o Inventaru hemikalija, steći će se uvjeti da Prvi set pravilnika iz oblasti upravljanja hemikalijama (koji treba da sadrži osam pravilnika) može biti objavljen i stupiti na snagu. Pravilnik o inventaru kompleksan je i obiman propis; o istom se provode javne konsultacije u Republici Srpskoj, zbog značajnih izmjena koje treba unijeti u Pravilnik. U oba entiteta ovaj najvažniji propis u oblasti hemikalija mora biti identičan, jer je osnov postupanja nadležnih ministarstava, te donosi ključne uvjete za upis hemikalije u inventar i stavljanje na tržište. U procesu izrade propisa, Federalno ministarstvo zdravstva ostvaruje saradnju sa Privrednom komorom Federacije BiH. U toku su konsultacije u pogledu propisa o dodatnoj edukaciji za savjetnika za hemikalije. Tokom 2024. godine završeni su sljedeći pravilnici:

Pravilnik	Status
Pravilnik o Registru proizvođača i uvoznika hemikalija	Završeno 2024 Spremno za objavu u Sl. novinama FBI
Pravilnik o uvjetima za obavljanje djelatnosti sa hemikalijama	Završeno 2024 Spremno za objavu u Sl. novinama FBIH
Pravilnik o klasifikaciji, obilježavanju i pakiranju hemikalija	Završeno 2024 Spremno za objavu u Sl. novinama FBIH
Pravilnik o sadržaju sigurnosno-tehničkog lista	Završeno 2024 Spremno za objavu u Sl. novinama FBIH
Pravilnik o uvjetima za stavljanje deterdženta na tržište	Završeno 2024 Spremno za objavu u Sl. novinama FBIH

Pravilnik o visini naknada koje se odnose na hemikalije	Završeno 2024 Spremno za objavu u Sl. novinama FBiH
Pravilnik o programu dodatne edukacije za savjetnika za hemikalije	Obavljaju se posljednje konsultacije sa Privrednom komorom FBiH. Nakon toga, Pravilnik će se završiti.
Pravilnik o Inventaru hemikalija	U pripremi. Ostvarena saradnja sa Ministarstvom zdravlja i socijalne zaštite Republike Srpske, zbog obaveze usklađivanja sa svim izmjenama i dopunama uredbi EU, u ovoj oblasti. Pravilnik o Inventaru složen je i obiman propis i mora biti identičan u oba entiteta.

Pravilnici koji su završeni i prevedeni, spremni za objavu, nalaze se u Sektoru za pravne poslove i EU integracije, Odsjek za normativno-pravne poslove, i dostupni su na uvid u elektronskoj formi.

Najveći izazov u oblasti upravljanja hemikalijama predstavlja nedostatak stručnog kadra u Federalnom ministarstvu zdravstva, a što je jedan od razloga da prvi set propisa u oblasti hemikalija, nije mogao biti objavljen u Službenim novinama Federacije BiH. Prelazak na novi sistem upravljanja hemikalijama, u skladu sa novim Zakonom, podrazumijeva postupke upisa u Registar proizvođača i uvoznika, Inventar hemikalija, izdavanja potvrda, rješenja, obavijesti i sl. za cjelokupnu privredu u Federaciji BiH. Većina hemijski orijentirane privrede u BiH je sa sjedištem u Federaciji BiH. Novi propisi se odnose na registraciju i promet preko 4.000 hemikalije, te autorizacije za preko 2.000 hemikalija, što je posao za više službenika. Povećan obim poslova koji se nameću objavom pravilnika, ne može savladati jedan službenik za hemikalije koji je trenutno uposlen na ovom referatu. Komparacije radi, skrećemo pažnju da u Republici Srpskoj, koja ima manji broj registriranih subjekata u ovoj oblasti, ovim poslovima se bavi Odsjek za hemikalije, koji uspošljava osam (8) službenika, uključujući i dipl. pravnika zaduženog za usklađivanje u oblasti hemikalija i rješavanje svih spornih pitanja, koja se pojave u saradnji sa privrednim subjektima. Dok se makar postepeno ne počne rješavati pitanje stručnog kadra u Sektoru za farmaciju i hemikalije, pripremljeni pravilnici se ne smiju poslati na objavu, jer se njihovom primjenom ne može baviti samo jedna osoba. Takav rizik za privredu, ne može se preuzeti u ovom momentu, jer stupanje na snagu pravilnika znači da svi pravni subjekti moraju uskladiti svoj rad (a to povlači pitanje registracije, uvoz, izvoz, obavljanje redovnih poslova i dokazivanja pred drugim tijelima da su završene procedure koje se imaju obaviti u ovom Ministarstvu).